



Sakspapir

Sakshandsamar	Arkiv	ArkivsakID
Mona Vabø		21/375

Saksnr	Utval	Type	Dato
071/21	Formannskapet	PS	07.09.2021
059/21	Kommunestyret	PS	16.09.2021

Etablering av Fensfjorden PPT frå 01.01.2022

Vedlegg:

Samarbeidsavtale Fensfjorden PPT mai 2021

Saksutgreiing:

Saksopplysningar

Fedje kommune kjøper PP-tenester hjå Austrheim kommune i ei 10% stilling. Det me treng ut over avtalen betalar vi på timebasis. Utgiftene til PP-tenester er fordelt mellom barnehage og skule. Fram til medio 2020 vart kostnadane fordelt likt mellom skulen og barnehagen. Grunna ulik bruk vart dette endra til ei fordeling av dei faste kostnadane på $\frac{1}{4}$ frå barnehagen og $\frac{3}{4}$ frå skulen.

Masfjorden og Gulen kommunar har høyrte til Ytre Sogn og Sunnfjord PP-teneste. Samarbeidsavtalen gjekk ut i 2021 og dei tok kontakt med Austrheim kommune for å vurdere andre alternativ for PP-tenesta. Ytre Sogn- og Sunnfjord PPT har kontor i Dale i Fjaler kommune. Avstandane er store og med endringa knytt til fylkessamanslåinga har det vore naturleg å sjå på andre alternativ og ei teneste nærare kommunane.

Hausten 2020 tok Gulen initiativ mogleg samarbeid med kommunane Austrheim, Fedje, Masfjorden, Modalen og Austrheim om logoped-samarbeid. Alle kommunane har behov for logoped både innan helsetenesta og PP-tenesta. Austrheim sa seg villig til å vere vertskommune for eit logoped-samarbeid då ein allereie har ei PP-teneste som ein logoped kan vere ein del eit større fagmiljø. I samband med dette ville Gulen og Masfjorden vurdere moglegheita for eit samarbeid om PP-tenestene. Austrheim gav uttrykk for å vere positiv til eit interkommunalt samarbeid og eit vertskommunesamarbeid vedkommande PP-tenestene. Opprettinga av Fensfjorden PPT, med Austrheim som vertskommune, vart jobba vidare med i Austrheim kommune.

Ei lita PP-teneste er ei sårbar teneste både på ressursar og kompetanse. Austrheim PPT melder at dei har opplevd noko fråvær i tenesta, som har medført at saker har hopa seg opp og ein har ikkje fått jobba slik ein ynskter. Rammene for PP-tenesta har ikkje vore auka dei siste åra og det meste av budsjettamma har vore bunden til lønskostnader. Austrheim ser det difor som viktig at rammene til PP-tenesta vert noko auka slik at ein får bygd kompetanse og har høve for innkjøp av testutstyr og



Fedje kommune

liknande for å betre tenesta både systemretta og individretta.

Ved å etablere Fensfjorden PPT blir arbeidsfeltet større, samstundes som ein får eit større fagmiljø og ein kan få ei breiare kompetanse inn i fagmiljøet. Frå Fedje kommune sin ståstad ser ein at det no vert arbeid mest individretta, medan me ynskjer at tenesta skal ha sterkare fokus på førebygging og systemretta arbeid. Dette trur me er mogleg å få til ved å auke tenesta si samla kompetanse ved å byggje eit større fagmiljø.

Det vil verte oppretta eit fagråd for Fensfjorden PPT. Fagrådet vil vere samansett av representantar for dei samarbeidande kommunane. For Fedje sin del vil det innebere at vi får ei reell medverknad i det arbeidet PPT gjer for oss. Noko me til no ikkje har hatt. Ressursane som er knytt til Fensfjorden PPT er regulert i punkt 5 i avtalen, men fagrådet kan vurdere om dette evt. må endrast. Det vil først verte aktuelt etter første driftsår.

Det er utarbeidd ein framlegg til ein samarbeidsavtale som er vedlagt saka. Både Gulen og Masfjorden kommunestyre har samrøystes vedteke å gå inn i Fensfjorden PPT frå 01.01.2022. Kostnadsnøkkelen er basert på barne- og elevtala i kommunane pr år. Dette omhandlar løns- og driftsutgifter. Arbeidsgjevaransvaret ligg til Austrheim kommune, og er underlagt kommunalsjef for oppvekst og kultur. Dei økonomiske konsekvensane vil verte innarbeidd for budsjettåret 2022.

Forslag til vedtak:

Fedje kommune godkjenner etableringa av Fensfjorden PPT og vedlagte avtale. Ein vedtek også vertskommunesamarbeid med Austrheim som vertskommune.

Formannskapet - 071/21

F - behandling:

F - vedtak:

Fedje kommune godkjenner etableringa av Fensfjorden PPT og vedlagte avtale. Ein vedtek også vertskommunesamarbeid med Austrheim som vertskommune.

Samrøystes vedteke.